



故宮珍本叢刊

禹貢指南·書經直解

故宮博物院編 海南出版社



5  
故宮珍本叢刊第 007 冊經部書類

故宮博物院編

# 禹貢指南

# 書經直解

海南出版社

圖書在版編目(CIP)數據

禹貢指南/(宋)毛晃撰.書經直解/(明)張居正撰.-影印本.-海口:海南出版社,2000.10  
(故宮珍本叢刊.經部九類.書)

ISBN 7-80645-739-9

I. ①禹…②書… II. ①毛…②張… III. 尚書-研究 IV. Z121.7

中國版本圖書館 CIP 數據核字(2000)第 41637 號

故宮珍本叢刊第 007 冊

經部·書

禹貢指南 書經直解

故宮博物院編

責任編輯:李升召

\*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

\*

2000 年 10 月第 1 版 2000 年 10 月第 1 次印刷

開本:787×1092 毫米 1/16 印張:27.25 印數:1-400 冊

ISBN 7-80645-739-9/Z·17

定價:5120 元(經部九類 62 種共 31 冊)

本書如有印裝質量方面問題請與我社或承印廠聯係  
我社為本書每冊(種)書新編的目錄均置於每冊書末

禹貢指南

武英殿聚珍版

提要

等謹案明焦竑經籍志載禹貢指南一卷宋毛晃撰宋史藝文志無之朱彞尊經義攷亦云未見又云文淵閣書目有之不著撰人疑卽晃作晃宋史無傳世所傳增註禮部韻畧于紹興三十二年表進自署衢州免解進士者卽其人也是書引爾雅周禮漢志水經注九域志諸書而旁引他說以證古今山水之原委頗爲簡明雖生于南渡偏安之後僻處一隅無由睹中原西北之古蹟一一親核其真而援據攷證獨不泥諸儒附會之說故後來朱子書說及蔡氏集傳多用之亦言地理者所當攷也世無傳本其體例之舊不可見永樂大典所載與諸家註解散附經文各句下今綴錄成編釐爲四卷依經文次第標列其無註者則經文從畧焉乾隆三十八年六月恭校上

禹貢指南

提要

一 項家達校

禹貢指南卷一

宋 毛 晃 撰

冀州

爾雅兩河間曰冀州郭璞注曰自東河至西河李巡注曰兩河間其氣清厥性相近故曰冀冀近也 周禮職方氏河內曰冀州謂其在三河之內蓋東河之西西河之東南河之北也 案禹貢導河積石自積石而下南流謂之西河至于華陰折而東經砥柱山又東逕孟津東過洛水之北皆東流謂之南河至于大伾山折而北流過降水至于大陸又北播爲九河同爲逆河入于海謂之東河爾雅言兩河間者舉其二則三可知也 晉地理志春秋元命苞云昴畢散爲冀州亂則冀安弱則冀強荒則冀豐 孔安國曰舜分冀州之域爲幽州并州孔穎達曰據職方氏幽并山川皆冀州之域故安國知之 杜牧罪言禹畫九土一曰冀州程其水土與河南等常重十一二以其恃強不循理冀其必破弱雖已破冀其復強大因以爲名

禹貢指南

卷一

一 項家達校

既載壺口

九域志河東隆德府潞州上黨郡上黨縣壺口山在

上黨東太行山在上黨南 漢地理志在河東郡北

屈縣東南今隰州吉鄉縣也

治梁及岐

梁山 在左馮翊夏陽縣西北 水經河水南逕梁

山原東酈道元注自原山東南至河晉之望也穀梁

傳成公五年梁山崩遇河水三日不流晉侯以問伯

宗卽是處也 九域志今永興縣卽同州馮翊郡定

禹貢指南

卷一

二 項家達校

國軍有梁山山在龍門之南

岐山 水經在右扶風美陽縣西北梁岐二山在雍

州今于冀州言之者豈當時河患上及梁岐乎禹導

底柱則壺口平而梁岐自治因河而言非以二山爲

冀州之地也

既修太原至于岳陽

太原晉陽也今并州之地高平曰原此又原之大者

太岳導山序壺口雷首至于太岳水經太嶽山在

河東永安縣南職方氏冀州山鎮曰霍山案霍山有

二在冀州者又謂之太岳在荊州者又謂之天柱山  
溝水出焉漢地理志作岳陽注在太原西南

覃懷底績至于衡漳

覃懷 九域志今河北西路懷州河內郡卽其地

濁漳水一各降水導河序北過降水至于大陸是也

顏師古注漢地理志衡漳謂漳水橫流而入河也

水經清漳水出上黨沾縣西北少山大隴谷南過

縣西又從縣南屈東過涉縣西屈從縣南東至武安

縣南黍窰邑入于濁漳酈注淮南子曰清漳出揭辰

禹貢指南

卷一

三 項家達校

山高誘云在沾縣漢分沾縣爲樂平郡治沾縣晉太

康地記曰樂平縣舊名清漳涉縣魏郡之屬縣也

九域志河北東路冀州信都郡定武軍有昌亭城

水經云漳水東北至昌亭今滹沱衡漳水今長蘆河

則其故瀆也

厥賦惟上上錯厥田惟中中

諸州雜賦 冀上上錯揚下上上錯豫錯上中梁下

中三錯

諸州田賦 雍田上上徐田上中青田上下豫田中



上冀田中中竟田中下梁田下上荆田下中揚田下  
下冀賦上上豫賦雜出亦上上冀賦雜出上中豫賦  
亦上中荆賦上下青賦中上徐賦中中竟雍之賦中  
下揚賦雜出亦中下揚賦下上梁賦雜出亦下上梁  
賦下中梁賦雜出又下下雍青徐以上地出中賦冀  
以中地出上賦

恒衛既從大陸既作

恒水 出常山上曲陽東入滄水 水經滄水出代

郡靈邱縣高氏山南過廣昌縣南又東南過中山上

禹貢指南

卷一

四 項家達校

曲陽縣北恒水從西來注之注滄水兼納恒川之通  
稱

衛水 出常山靈壽縣東北入滹沱河

大陸 在鉅鹿縣北爾雅晉有大陸注今鉅鹿北廣

河澤是也大陸之野一名朝歌商紂之所都也 水

經注引應劭曰麓者林之大也尚書曰堯將禪舜納

之大麓之野烈風雷雨不迷致之以昭華之玉而縣

取目焉秦始皇二十年滅趙以爲鉅鹿郡漢景帝中

元元年爲廣平郡武帝征和三年爲廣平侯國光武

中興更爲鉅鹿今屬邢州汲郡脩武縣亦有大陸  
烏夷皮服

烏夷 漢地理志作烏夷顏師古曰東北夷搏取禽

獸食其肉衣其皮也一說居海島被服容止皆象鳥

作鳥謂居海島也

夾右碣石入于河

碣石山 在海畔右北平驪城縣西南河自碣石山

南渤海之北入海夾右夾音挾自海入河逆流而西

右顧碣石如在挾掖也 水經碣石山在遼西臨渝

禹貢指南

卷一

五 裴謙校

縣南水中注大禹鑿其石右夾而納河秦始皇漢武

帝皆嘗登之海水西侵歲月逾甚而苞其山故言水

中也 水經河水東北過甲下邑濟水從西來注之

又東分入于海又東分爲一水枝津東逕甲下城南

東南歷常沈注濟注經言濟水注河自枝津東北流

逕甲下邑東北流入于海淮南子曰河九折注爲海

而流不絕者崑崙之輪也禹貢曰夾右碣石入于河

山海經曰碣石之山繩水出焉東流注于河河之入

海舊在碣石今川流所導非禹瀆也周定王五年河

徙故瀆故班固曰商竭周移也 顏師古曰言禹夾  
行此山之右而入于河逆上也孔傳同 凡九州未  
言由諸水入河者皆通舟楫漕運以達京師也  
濟河惟兗州

東南據濟西北距河河濟之間相去不遠兗州之界  
止于濟也 爾雅濟河間曰兗州注自河東至濟

周禮職方氏河東曰兗州 武王封周公子伯禽于  
曲阜為魯侯秦為薛郡後魏置南兗州于譙城置西  
兗州于定陶城隋改為魯州唐武德初平徐圓朗復

禹貢指南

卷一

六 裴 謙 按

為兗州 晉地理志兗州濟河地舜置十二牧則其  
一也春秋元命苞云五星流為兗州兗端也信也又  
曰蓋取兗水以為名焉

九河既道

徒駭 郭璞曰今在成平縣義未聞

太史 郭璞曰今所在未詳

馬頰 郭璞曰河勢上廣下狹狀如馬頰 案原本缺太史馬頰

二河今補八

覆鬴 郭璞曰水中可居往往而有狀 案今本爾雅注作水中可

居住而有狀 如覆釜

胡蘇 郭璞曰東莞縣今有胡蘇亭其義未詳

簡 郭璞曰水道簡易

絜 郭璞曰水多約絜

鈎盤 郭璞曰水曲如鈎流盤桓也

高津 郭璞曰水多阨狹可隔以為津而橫渡

爾雅九河皆禹所名 正義曰河自大陸以北敷為

九河謂大陸在冀州嫌九河亦在冀州故云在此州  
界也河從大陸東畔北行而東北入海冀州之東境

禹貢指南

卷一

七 裴 謙 按

至河之西畔水分大河東為九道故知在兗州界平  
原以北是也李巡曰徒駭禹疏九河以徒衆起故云  
徒駭太史禹大使徒衆通其水道故云太史馬頰河  
勢上廣下狹狀如馬頰也覆鬴水中多渚往往而處  
形如覆鬴胡蘇其水下流故曰胡蘇胡下也蘇流也  
簡大也河水深而大也絜言河水多山石治之苦絜  
絜苦也鈎盤言河水曲如鈎屈折如盤也高津河水  
狹小可隔以為津也孫炎曰徒駭禹疏九河用功雖  
廣衆懼不成故曰徒駭胡蘇水流多散胡蘇然其餘

同李巡 導河篇云濟水故渠今在冀州西界大陸

今在德州德平縣經滄州清池縣西北太史今在德

州安德縣東南經滄州臨津縣西馬頰在德州北平

縣經安德縣西南恩州漳南縣東棣州商河縣北覆

融今在永靜軍阜城縣東經東光縣西北胡蘇今在

滄州南皮縣東光縣北經滄州無棣縣西北絜今在

滄州南皮縣經滄州臨津縣鉤盤今在德州德平縣

西經滄州樂陵縣東棣州陽信縣北滄州樂陵縣西

南鬲津在德州平原縣東經滄州臨津縣東樂陵縣

禹貢指南

卷一

裴謙校

西饒安無棣縣南並在德州平原以北惟簡河亡焉

河為逆河入于海今大名府石奔故瀆在焉

雷夏既澤

雷夏澤 在濟陰成陽西北 水經注云雷澤西南

十許里有小山山北有小阜南屬池澤之東北有陶

墟郭緣生言舜陶所在墟阜聯屬濱帶瓠河也一云

舜所漁處本名夏澤

澠沮會同

澠水 澠於用切爾雅水自河出為澠又云河有澠

又云澠反入郭注河水決出復還入者河之有澠猶

江之有沱 漢地理志作雍沮沮水出常山元氏縣

入河雍水不言出入

沮水 沮七餘切案沮水與雍州沮水不同荊州沮

水在房陵左傳所謂江漢沮漳楚之望也導川云漆

沮既從即雍州之沮也今此沮水自會同于雷夏之

間非雍州之沮也水經不著所出或云沮水出北地

直路縣入洛洛非河南洛水也

厥土黑墳

禹貢指南

卷一

裴謙校

土黑墳 墳扶粉切土脈墳起也

厥田惟中下厥賦員

田中下第六

賦貞賦與田相當

厥篚織文

篚織文 漢地理志篚字作裴顏師古曰裴與篚同

竹器篚屬織文錦綺之類 冀州不言貢篚貢者下

以職供之謂也冀州帝都所在無所效其臣職故也

浮于濟潔達于河



濟水 沅水東流為濟 爾雅濟為澹澹音楚濟水  
 出河東垣縣王屋山東南至河內武德縣入河並流  
 而南截河又並流溢出乃為滎澤也 水經濟水出  
 河東垣縣東王屋山為沅水又東至溫縣西北為濟  
 水又南當鞏縣北南入于河與河合流而東過滎陽  
 縣北 漢地理志濟作泲泲木言浮于濟潔達于河  
 顏師古曰浮以舟渡也達通也因水入水曰通 又  
 解在導川沅水濟水下

潔水 出東郡東武陽縣至樂安千乘縣入海 水

禹貢指南

卷一

十一王福清校

經潔水東出于高唐縣大河右迤東注潔水酈道元  
 注曰桑欽地理志曰潔水出高唐余案竹書穆天子  
 傳稱丁卯天子自五鹿東征釣于潔水是日祭丘已  
 已東征食馬于潔水之上尋其沿歷逕趣不得近高  
 唐也桑氏所言蓋津流出次于其間也 地理風俗  
 記曰潔水東北至于乘入海河盛則通津委海水耗  
 則微消絕流

海岱惟青州

東北據海西南距岱

青州 東北跨海及遼東舜分青為營州即遼東也  
 漢末公孫度據遼東自號青州刺史爾雅齊曰營州  
 郭注自岱東至海此蓋商制無青州并青于徐周制  
 有青無徐并徐于青故職方氏正東曰青州其山鎮  
 曰沂山其澤藪曰望諸其川淮泗其浸沂沭 晉地  
 理志青州蓋取土居少陽其色為青故以名也春秋  
 元命苞云虛危流為青州

嶧夷既畧 堯命羲仲所宅處以其在東日所出故曰暘

禹貢指南

卷一

十一王福清校

谷

濰淄其道

濰水 出琅邪箕屋山北至都昌縣入海 水經濰  
 水出琅邪箕屋山北過武城縣西又北過平昌縣東  
 又北過高密縣西又北過淳于縣東又東北逕都昌  
 縣東又東北入于海注云濰水導源濰山許叔重呂  
 忱云濰水出箕屋山淮南子曰濰水出覆舟山蓋廣  
 異名也

淄水 出泰山萊蕪縣原山東北至于乘博昌縣入

海 水經淄水與汶水同出泰山萊蕪縣原山東北

又東北過臨淄縣東又東過利縣東又東北入于海

漢地理志濰淄作惟留顏師古曰濰淄惟留古今

通用道讀曰導導治也一說水復故道音上聲一音

導謂遵道而流也

海濱廣斥

斥鹵地也漢志海濱作海瀨廣斥作廣瀉注瀨音類

又音瀨瀉音昔

厥田惟上下厥賦中上厥貢鹽絺海物惟錯岱賦絲枲

禹貢指南

卷一

十一

王福清校

鉛松怪石萊夷作牧厥篚屨絲

田上下第三

賦中上第四

貢鹽絺海物絲枲鉛松怪石篚屨絲 顏師古曰屨

桑也食屨之蠶絲可以絃琴瑟或曰屨山柘也蠶食

柘葉者絲黃而韌可以為絃

萊夷 春秋夾谷之會萊人以兵劫魯定公孔子曰

兩君合好而夷裔之俘以兵亂之是知古者東萊之

有夷也夾音劫 應劭十三州記曰泰山萊蕪縣魯

之萊梓邑也左傳與之無山及萊梓案左傳本作萊

非是也齊靈公滅萊萊民稍流此谷邑落荒蕪故曰

萊蕪漢高祖置縣萊山之夷周曰萊子國漢曰東萊

浮于汶達于濟

汶水 爾雅汶為瀾瀾音闌 水經汶水出泰山萊

蕪縣原山西南過蕪縣南又東南過奉高縣北屈從

縣西南流過博縣西北又西南過蛇邱縣南又西南

過岡縣北又西南過平章縣南又西南過無鹽縣南

又西南過壽張縣北又西南至安民亭入于濟注萊

禹貢指南

卷一

十一 王福清校

蕪縣在齊城西南原山又在縣西南六十里許地理

志汶水與淄水俱出原山西南入涉故不得過其縣

南也從征記曰汶水出縣西南流 淮南子汶水出

朱虛弗其山乃東汶水非此也 諸州之末皆記入

河水道以堯都在冀而河行于冀也青州雖不言河

而曰達于濟則因濟達河也 地理志州末言浮于

汶達于涉顏師古曰言渡汶水西達于涉也青州不

言河由堯而見也堯州之末言浮于濟潔達于河謂

渡濟潔而通河也青州次堯故言達于濟達通也因



水入水曰通渡汶通濟則渡濟可以通河矣  
海岱及淮惟徐州

徐州 爾雅濟東曰徐州注云自濟東至海李巡注曰淮海間其氣寬舒稟性安徐故曰徐徐舒也 周禮職方氏無徐州正義曰以徐州合之于青州青州分爲幽并 晉地理志徐州于周入青州之域春秋元命苞云天氏流爲徐州蓋取舒緩之義或云因徐邱以立名

淮沂其乂

禹貢指南

卷一

南

王福清校

淮水 出桐柏山其源遠矣于此言之者淮水至此而大爲害尤甚喜其治故于此紀之 淮水出胎簪山東北過桐柏胎簪蓋桐柏之旁小山也 水經淮水東至廣陵淮浦縣入于海 顏師古注漢地理志淮水出大復山 九域志壽春府有淮濱 胎簪山在南陽平氏縣  
沂水 水經注沂水出尼邱山西北經魯之雩門曾點浴乎沂者非禹貢沂水也

蒙羽其藝

蒙山 水經注云禹貢有兩蒙山在徐州者在泰山蒙陰縣西南在梁州者在蜀郡青衣縣今曰蒙頂  
羽山 水經注在東海祝其縣南山西有羽淵禹父之所化其神爲黃龍入于羽淵 山海經曰洪水滔天鯀竊帝之息壤以堙洪水不待帝命帝令祝融殺鯀于羽郊 漢地理志藝作藝

大野既豬 爾雅魯有大野郭璞注今高平鉅野縣東北大澤是也 鉅野縣今屬濟州 漢地理志作大埜 春秋

禹貢指南

卷一

南

項家達校

左氏傳哀公十四年春西狩于大野叔孫氏之車子鉅商獲麟杜預曰大野在東平鉅野縣東北大澤是也 周禮職方氏大野屬兗州澤藪  
東原底平 東原 今東平郡鄆州在魯之西獲麟之地  
羽狀夏翟嶧陽孤桐泗濱浮磬淮夷蠙珠暨魚厥篚玄織纁  
漢地理志夏翟作夏狄泗濱作泗瀕暨魚作臬魚 篚元織纁 言獻黑細繒及鮮支也或謂織言質之

細而元之與縞其色也以纖該于元縞之中則色雖不同皆纖質也此乃古史立言之法猶雲土夢然耳

禮記注云元與縞謂之纖一曰白經黑緯曰織詩

注亦作綬

浮于淮泗達于河

漢地理志州末言浮于淮泗入于河顏師古曰渡二

水而入于河

汴河 右自淮泗入河必道于汴世謂隋煬帝始通

汴入泗禹時無此水道以疑禹貢之言此特學者攷

禹貢指南

卷一

項家達校

之不詳而已案前漢書項羽與漢約中分天下割鴻

溝以西爲漢以東爲楚文穎注云于滎陽下引河東

南爲鴻溝以通宋鄭陳蔡曹衛與濟汝淮泗會于楚

卽今官渡水也魏曹操與袁紹相持于官渡乃楚漢

分裂之處蓋自秦漢以來有此安知非禹迹也禹貢

九州之末皆記入河水道而淮泗獨不能入河帝都

所在理不應爾意其必開此道以通之其後或爲鴻

溝或爲官渡或爲汴上下百餘里間不可必然皆引

河水而注之淮泗也故王濬伐吳杜預與之書曰足

下旣摧其西藩當徑取秣陵討累世之逋寇釋吳人

于塗炭自江入淮逾于泗汴沂河而上振旅還都亦

曠世一事也王濬舟師之盛古今絕倫而自汴水沂

河可以班師則汴水之大小當不減于今又足以見

秦漢魏晉皆有此水道非煬帝創開也自唐以前汴

泗會于彭城之東北然後東南入淮近歲汴水直達

于淮不復入泗矣吳王夫差開溝通水與晉會黃池

而江始有入淮之道禹時則無之故禹貢曰沿于江

海達于淮泗明非自海入淮則江無通淮之道今徐

禹貢指南

卷一

項家達校

州之末直云浮于淮泗達于河不言自海則鴻溝官

渡汴水之類自禹以來有之明矣特濬堙不常故晉

劉裕王仲德開鉅鹿入河則泗水不由汴入河其後

鉅野道塞故汴至彭城東北入泗又東南入淮又其

後不復入泗直達于淮鉅野道復開由彭城出東平

而入河汴水不復治矣煬帝豈復濬之乎雖江淮亦

有可疑者以孟子排淮泗而注之江之言攷之則其

道尙矣夫差亦復濬之爾

淮海惟揚州



爾雅江南曰揚州注云自江南至海 李巡注曰江南其氣燥勁厥性輕揚故曰揚揚輕也 周禮職方氏東南曰揚州其山鎮曰會稽其澤藪曰具區其川三江其浸五湖 晉地理志引春秋元命苞云牽牛流爲揚州分爲越國以爲江南之氣燥勁厥性輕揚亦曰州界多水水波揚也于古則荒服之國戰國時其地爲楚分

彭蠡既緒

彭蠡 漢水南入于江東滙澤爲彭蠡在彭澤西北

禹貢指南

卷一

六 裴 謙 校

今南康軍湖是也

陽鳥攸居

陽鳥 漢地理志陽鳥攸居作迺居 孔叢子小爾雅廣鳥篇去陰就陽者謂之陽鳥鴻鴈是也今日陽

鳥豈誤寫鳥字作鳥邪抑亦通稱也邪

三江既入

三江 水經南江東北爲長瀆歷河口東南注于具區謂之五湖口東則松江出焉江水奇分謂之三江口酈道元注曰吳越春秋稱范蠡去越乘舟出江之

口入五湖之中也此亦別爲三江 庾仲初揚都賦注曰今太湖東注爲松江下七十里有水口分流東北入海爲婁江東南入海爲東江與松江而三也 水經又云三江口之水又東至會稽餘姚縣東入于海注云謝靈運云具區在餘姚然則餘暨是餘姚之別名也今餘暨之南餘姚西北浙江與浦陽江會同歸海但水名已殊非班固所謂南江者也郭璞曰三江者浙江松江岷江也然浙江出南蠻中不與岷江同作者述誌多言江水至山陰爲浙江今南江枝分

禹貢指南

卷一

七 裴 謙 校

歷烏程縣南通餘杭縣則與浙江合故闕駟十三州志曰江水至會稽與浙江合浙江自臨平湖南通浦陽江又于餘暨東通浦陽江自秦望分派東至餘姚縣又爲江也 顏師古注漢地理志曰三江謂北江中江南江也 韋昭注史記曰三江謂吳松江錢塘江浦陽江也 蘇東坡曰三江之入古今皆不明予以所見攷之自豫章而下入于彭蠡而東至海爲南江自蜀岷山至于九江彭蠡以入于海爲中江自嶓冢導漾東流爲漢過三澨大別以入于江滙爲彭蠡

以入于海為北江此三江自彭蠡以上為二自夏口以上為三江漢合于夏口與豫章之江皆匯于彭蠡則三江為一過秣陵京口以入于海不復三矣然禹貢猶有三江之名曰北曰中者以味別也蓋以三水性不相入江雖合而水味異故至于今而有三冷之說古今稱唐陸羽知水味三冷相雜而不能欺不可誣也予又以禹貢之言攷之若合符節書之敘漢水也曰岷冢導漾東流為漢又東為滄浪之水過三澨至于大別南入于江東匯澤為彭蠡東為北江入于

禹貢指南

卷一

三 裴謙校

海夫漢既已入江且匯為彭蠡矣安能復出為北江以入于海乎知其以味別也書之叙江水也曰岷山導江東別為沱又東至于澧過九江至于東陵東迤北會于滙東為中江入于海夫江既已與漢合且匯為彭蠡矣安能自別為中江以入于海乎知其以味別也漢為北江岷山之江為中江則豫章之江為南江不言可知矣禹以味別信乎曰濟水既入于河而溢為滎禹不以味別少知滎之為濟也歟堯水之未治也東南皆海豈復有吳越哉及彭蠡既豬三江入

海則吳越始有可宅之土水之所鍾獨震澤而已故曰三江既入震澤底定孔安國以為自彭蠡江分為三入震澤為北江入于海疏矣蓋安國未嘗南遊案經文以意度之不知三江距震澤遠甚決無入理而震澤之大小決不足以受三江也班固曰南江從會稽吳縣南入海中江從丹陽蕪湖縣西東至會稽陽羨東入海北江從會稽毗陵縣北東入海會稽丹陽容有此三江然皆是東南支流小水自相派別而入海者禹貢所謂中江北江自彭蠡出者也徒見禹貢

禹貢指南

卷一

三 裴謙校

有三江中北江之名而不悟一江三冷合流而異味也故雜取支流小水以應三江之數若使此三者為三江則是與今京口入海之江為四矣京口之江視此三者猶畎澮禹獨遺大而數小何邪此蘇氏之說也予謂三江之說古今諸儒互相矛盾學者徒取北江中江以為三江之目而不知禹貢中無南江之目是未免乎牽合也蘇氏味別之說尤為難據且江漢之水皆匯為彭蠡以入海而不三出矣安有中北之辨乎況三江距震澤為遠禹貢言三江既入然後震



澤之水有所洩而底定明知揚州之地自有三江非江漢中江之江也案水經有三江口五湖口疑禹貢所謂三江者卽三江口也蓋言三江口水入海則震澤之水有所洩而底定此理甚明其文連屬震澤而設非謂南江中江北江與義興毗陵吳縣之江也故導川叙江與漢雖言中江北江而不言三江是知三江爲三江口也猶言五湖然虞翻曰太湖有五湖曰洧湖曰洮湖曰射湖曰貴湖與太湖而五並太湖之小支俱連太湖兼得五湖之名在今湖州東卽水經

禹貢指南

卷一

王 裴謙 校

所謂南江東北爲長瀆歷河口東南注于具區謂之五湖口東則松江出焉江水奇分謂之三江口吳越春秋稱范蠡去越乘舟出三江之口入五湖之中是也非謂洞庭番禺陽青草之五湖也蘇氏以岷山之江爲中江漢水爲北江豫章之江爲南江不知豫章之江何從出哉使豫章之江同入于匯澤而入海則書當叙豫章之江北入中江如滄浪南入于江之類可也今則不聞是亦未免牽合也以書攷之其曰東迤北會于匯東爲中江入于海孔氏傳曰迤溢也東溢

分流北會彭蠡舉其說謂岷山之江本不匯于彭蠡但迤溢分流爲二其支北匯于彭蠡出爲中江其本爲南故漢江爲北而王荆公以謂一江自義興一江自毗陵一江自吳縣義興古之陽羨毗陵今之丹徒春秋謂之延陵季札所居之地吳縣今之吳江三江介于常潤蘇三州之間而震澤踞乎三州之界尾通吳興苕霅之水出焉此言殆與班固相表裏然雖詳而無統槩之禹貢之文不若孔氏之傳爲稍長亦未允也

禹貢指南

卷一

王 裴謙 校

震澤底定 震澤 爾雅吳越之間有具區郭注今吳縣南太湖卽震澤是也 國語越伐吳而戰于五湖又云范蠡滅吳返至五湖而辭越斯乃太湖之通稱也虞翻曰是湖有五道故曰五湖韋昭曰今太湖是也尙書謂之震澤爾雅以爲具區方圓五百里 水經震澤在吳縣南五十里又曰中江在丹陽蕪湖縣南東至會稽陽羨縣入于海北江在毗陵北界東入于海注云地理志曰江水自石城東出逕吳國南爲南江江水

禹貢指南

卷一

禹

朱攸校

自石城東入為貴口東逕石城縣北 水經南江又東與貴長池水合又南逕宣城之臨城縣南又東逕桐水合又東逕寧國縣南又東北為長瀆歷河口東南注于具區東則松江出焉江水奇分謂之三江口 顏師古曰五湖在吳 越絕書曰太湖周三萬六千頃 沈括曰司馬相如上林賦叙上林諸水曰丹水紫淵灞滄涇渭入川分流相背而異態灑滌潢漾東注太湖入川自入大河大河去太湖數千里中間隔大山及淮濟大江何緣與太湖相涉郭璞江賦云

禹貢指南

卷一

禹

朱攸校

震澤壅而為害三江之水有所入然後震澤底定此水之理也沈氏論上林賦及孔安國之誤明矣然以為彭蠡水之所豬三江水之所入是水豬于彭蠡入于三江也豬于彭蠡者江漢之所匯是也入于三江者果何水乎且經言三江既入乃謂三江之水既入于海非謂水入三江也沈氏又云三江之水無所入則震澤壅而為害三江之水有所入然後震澤底定乃是三江水入海而非水入三江也若以為三江水有所入然後震澤底定則是三江與震澤相通而非

岷江漢江也通震澤者惟松江則水經所謂三江口者近之矣然禹貢所言三江既入震澤底定蓋總記揚州水患既平三江之水已入于海無汎濫之患震澤之水亦底于靜定有涵浸之潤灌溉之功未必謂二者相通此有所入而後彼有所定也

瑤琨 漢地理志琨作瑣

島夷卉服厥篚織貝

島夷 南海島夷織草木為服如今棘貝蕉葛之屬



棘貝閩俗呼為木棉、漢地理志作烏夷顏師古曰烏夷東南之夷善捕鳥者也卉服絺葛之屬

筐織貝、顏師古曰織謂細布也貝水蟲也古以為貨

沿于江海達于淮泗

漢地理志作均江海通于淮泗顏師古曰均平也通

淮泗而入海故云平 揚州不言河因徐州而見也

徐州之末言浮于淮泗達于河謂渡淮泗而入河揚

州次徐故言達于淮泗順流而下曰沿沿江海以通

禹貢指南

卷一

朱攸校

淮泗則浮淮泗可以通河矣 左傳沿漢沂江杜預

曰沿順流沂逆流

禹貢指南卷二

宋

毛

晃

撰

荆及衡陽惟荊州

荊州 爾雅漢南曰荊州注云自漢南至衡山之陽

李巡曰荊州其氣燥剛稟性彊梁故曰荊荆疆也秦

為南郡即郢都之渚宮楚之故都也 周禮職方氏

正南曰荊州其山鎮曰衡山其澤藪曰雲夢其川江

漢其浸潁湛注衡山在湘南雲夢在華容潁出陽城

宜屬豫州在此非也湛未聞 晉地理志引春秋元

禹貢指南

卷二

朱攸校

命苞云軫星散為荊州荆疆也言其氣燥疆亦曰警

也言南蠻數為寇逆其人有道後服無道先叛易警

備也又云取名于荆山荆取名于荆山其義最近荆

者小木名亦曰楚故春秋書楚為荆

江漢朝宗于海

江水 出岷山 水經江水自天彭關東逕汝關而

歷氏道縣北酈注云益州記曰自白馬嶺迴行二千

餘里至龍涸又八十里至西陵縣又南下六十里至

石鏡又六十餘里而至蜀郡北郡始百許步又西百

禹貢指南卷一